

Te Toa Takitini

Te Utu mo te Pepa 10/- i te tau.

Me penei nga reta "Te Ree O Aotearoa," Box 300, Hastings.

996

TE TOA TAKITINI

Hune 1st. 1929

Ka mutu te hui i Ngaruawahia tata nei, ka hokihoki nga iwi, ka haere a te Pua raua ko te tungane ko Tonga Mahuta ki Omaha, ki te tangi ki a Taranaki Te Ua; ko to raua kumautua i haere tahi ai ratou ko Hongihongi. I whaikupu a Hongihongi i te po i poroporoaki ai, "Ki te uia te kupu o te hui i tu nei ki Ngaruawahia, kotahi tonu te kupu, Tatou! Tatou! I mua atu ra e rua nga kupu Koutou! Koutou! Matou! Matou! Na, waiho tatou i te kupu o muri nei."

E rua tekau ma rima nga tau i tu ai tera kupu a Timi Kara te "Taihoa." Ko te tumanako kia kaua e pera rawa te roa ka pono ai taana kupu tuarua i roto i o tatou ngakau, i runga i a tatou tikanga, i runga i a tatou mahi. Ina hoki tetahi kumenga atu o taua kupu ra, "Tatou ka tirotiro i nga waahi pai o tatou, i te taba ngawari, i nga waahi i tauriterite ai nga whakaaro Akuanei ia na ka kitea he maha noa atu aua wahi, maha ake i nga wahi kikino, i nga wahi taikaha, i nga wahi i rereke ai tetahi i tetahi." Ma nga tai-tamariki enei kupu e whakaaro i roto i te wa o te tauhou e pepehatia nei.

KAATI TE MIHI MAMAO KIA TATOU.

E mea ana a Waikato, i te taenga o te Minita mo te taha Maori me tona ropu o te Tairawhiti ki Ngaruawahia tata ake nei, kua mutu taana mihi mamao ki nga hau e wha nei. Penei na, Haere mai te Tairawhiti! Haere mai te Taitokerau me era atu, engari kua penei na, Haere mai e hoa ma! Haere mai e pa ma! I te mea kua tatou nei tatou i tenei wa, me kaati ra te mihi ahua tangata ke nei kia tatou. Tatau! Tatou!

Me kaati atu i nga mihi mo te hunga mate te hoki ki nga ahuatanga o mua. Ko te parekawakawa hoki tena ma te pito ora ki te pito mate. Taurima te Motu i a ia kia kotahi, kia hoa ai tetahi ki tetahi, kia teina, kia tuakana i roto i te Ariki.

NGA MARAE MATE O WAIKATO.

No mua atu o te hui ki Ngaruawahia ka pa te mate rere, ara te Koiango, ki nga pa Maori e patata ana ki Akarana. E kiia ana no te 12 o Hanuere tata nei ka rangona te paanga tuatahi o tena mate ki Orakei. No muri iho ka paoho mai te rongo i Mangere, Onehunga; no muri iho i Maraetai. Ka tae tonu tena ki te wa i whakaemi ai Waikato ki te marae i Nga-